

Թամար Թողնելով, վերադարձաւ Ս. Էջմիածին և երկու ամիսն էլ կառավարում էր: Նորա եղբրական մահն, ինչպէս երևում է վերը բերած նկատողութիւնից, Ս. Էջմիածնում պատահեցաւ և նորան զեղեցին անշուշտ իւր մերձաւորները: Ս. Աջն Աղթամարում երկար\* չմնաց: Սարգիս կաթուղիկոսն և նորա ամուսնական Յովհաննէս (1466—1476 թ.) ուղարկեցին Աղթամար Օծոպեցի Վրթանէս եպիսկոպոսին, որը, Գաւրիթեցու ասելով, խորագէտ, գործունեայ և լեզուանի մարդ էր, և միտքը դրել էր Ս. Աջը փախցնել Աղթամարից: Պատմում են, որ նա ծպտեալ մտաւ Աղթամար իբրև մի կաղ աշխարհական, «անգէտ գրոց և կարգալոյ», եօթն տարի այդպէս ծպտեալ ծառայեց վանքին իբրև լուսարար և երբ եկան այնտեղ վաճառական մարդիկ մանրունք ծախելու, նա գողացաւ Ս. Աջը և խաչալամը, և պահ տուեց մի Զուղայեցի վաճառականի, և ճանապարհ դրեց դէպի Զուղայ: Մի քանի օր յետոյ՝ ինքը Վրթանէս կղզուց հեռացաւ և անյայտացաւ: ոտքի արուեստական կաղուծիւնը չկար այլ ևս. նա երագեց, հասաւ Զուղայ և Ս. Աջն առնելով ճանապարհ ընկաւ դէպի Ս. Էջմիածին: Արդէն Զուղայից մարդ էր ուղարկել Վրթանէս և յայտնել էր Սարգիս կաթուղիկոսին Ս. Աջի վերադարձը: Թէ կաթուղիկոսն և թէ շատ եկեղեցականներ և աշխարհականներ ելան դիմաւորելու Ս. Աջին, նախի-